


公文程式大全

三



國民政府
公文程式大全

第三冊

上海大東書局印行

最新分類
國民政府公文程式大全

第六編 軍事類

● 呈文

■ 國民革命軍第一路總指揮兼江蘇省政府委員及軍事廳長何應欽呈江蘇省政府文

▲ 請免軍事廳長兼職

呈爲呈請事。竊查軍事廳之設置。在鞏固省防。維繫一省之治安。輔助黨政之進行。各省多已設施。原不能獨異於江蘇。惟查江蘇爲國府首都。一切軍事。有軍事委員會辦理。何異金城湯池。加之江蘇未另設立省防軍。則軍事廳之設立。於實際上裨益蓋寡。且當此財政奇絀之時。似更不宜多此耗費。職前奉國民政府委令。遲遲不敢就職者。以此現職再四思維。以江蘇

事廳之設置。於事實上。於財政上。似非必要。用特披瀝下情。懇請轉呈國民政府。明令裁撤。至職所兼軍事廳廳長。亦懇一同免去。除飭前軍事廳籌備人員。於十月十五日前趕辦結束外。所有呈請轉呈國民政府。明令裁撤江蘇軍事廳。并免去軍事廳廳長各情。理合呈請鑒核施行。謹呈江蘇省政府。

■ 軍需獨立促進會續呈軍事委員會文

▲ 請交議經理獨立案

呈爲續呈事。竊職等前以黨員資格。提出軍需獨立建議案。并附具介紹書。旋奉鈞會秘字第六一二號批開。呈悉。該員等介紹粟顯揚等六人候用。具徵爲國薦才。深堪嘉尚。惟現在本會處長各職。均已遴委有人。仰候存記可也。此批等因。奉此。鈞批對於此案。僅及人選一節。於建議案全般。未及隻字。職等聞命之下。不勝惶惑。軍需制度。應否獨立。實有可研究之價值。國民革命軍唯一敵人。卽帝國主義者與軍閥。我革命軍之所以異於軍閥者。在於剷除一切惡化腐化積習。從新建設。當此寧漢合作。萬象更新。欲措黨國如磐石之安。無論軍政財政。非有軌

道可循。終無整理之日。在軍閥則利用無知識之軍需。自由任免。得以上下其手。始則搜刮民財。爲擴充軍隊之計。軍需既係私人。政府自無從過問。繼則擁兵自衛。勢成割據。必不使國家有統一財政之時。此民國十六年來軍閥伎倆。昭昭在人耳目。無可諱言。舊制不良。積成惡習之所致也。今則革命軍費。武漢千一百餘萬。寧滬亦一千數百萬。占歲出十之八九。而餉項時虞不繼。當局已竭澤而漁。欲求整理。非軍需核實不可。欲核實軍費。非軍需公開不可。欲求公開。則必明定制度。軍需人員。概由國家任免。使積年來造成軍閥之工具。一旦剷除。財政出入自有適合之望。此軍需獨立所以促成財政統一。亦卽所以促成政權統一。其關係黨國前途至爲重要。職等畢業需校。專習經理學術。復爲黨軍軍需職官。苟有所見。自難緘默。職責所在。初非箇人權利之私。鈞會爲軍政軍令最高機關。此種建議。應請提交會議討論。以除積弊。而宏黨制。治本所關。伏維裁奪。謹呈。

如皋縣黨員季雲等呈江蘇省政府文

▲請咨交東前政治部隨時拿辦方郭等劣紳土豪

呈爲橫遭土豪陷害。懇祈隨時法辦事。竊雲等服膺三民主義有年。在如皋地方。與貪官污吏。劣紳土豪。勢不兩立。伊等恨同切膚。此次孫周二逆盤踞江北。劣紳土豪。方家珍。郭衡等。疊嚇爪牙。向孫周二逆軍部指控雲等組織黨部。圖謀內應。以致逆軍偵騎四出。大索黨人。聞劣紳李蓮亦曾與謀。雲等驚避來滬。嗣聞被逆軍捕殺同志十餘人之多。徐永馨同志且殃及妻孥。勒款至萬數千元。此等劣紳。存心很毒。已達極點。爲特呈請鈞處。懇祈咨交東前政治部。隨時將方家珍。郭衡。李蓮等拿辦。以警兇頑。而維黨政。實爲德便。謹呈

國民革命軍第十四軍第一團團長呈文

▲團長劉英呈請辭職

呈爲懇請辭職事。竊職近日因勞致疾。職部最得力之梯隊司令周無爲。又因病不能任事。兼之給養艱難。上下交困。勢難再以病軀戀棧。致重咎戾。迫得電請鈞司令准予辭職。以遂初服。再職部軍隊奉令編制成立以來。經過各地。從未借募餉款。亦未向鈞部領過給養器械。所有由職及周無爲同志個人籌借之餉項武裝。仍由個人自行清理。無關交代。合併陳明。臨電無

任悚惶之至。謹呈

國民革命軍第十六軍軍長范石生呈總司令部文

▲呈解前第四十六師師長李根漂等

爲呈請事。竊石生前因處置平馬事變一案。呈奉指令。將是案關係之師長李根漂等。分別如擬辦理。同時并奉指令。楊關巧芳呈報。李根漂慘殺伊夫楊副師長青圃毀屍滅迹。請予伸雪緣由。飭卽依法查辦。各等因到部。石生當以平馬事變。誠由李根漂等干紀妄爲。法難輕貸。而石生知人不明。馭下無術。神明內疚。隱痛方深。寬典可求。寧爲已甚。會值該師長李根漂內艱。訃至。呈懇奔喪。四子亟行照准。冀遂孝思。兼全袍澤。詎李根漂自奉批准假。未據呈報離防。至今仍潛伏省垣。百端勾煽。石生疊據探報。猶以李根漂少年輕率。驟經罷免。缺望自屬常情。而對於石生辦理此案。倘有人心。尙能原諒。故常密戒僚屬。囑於晤李根漂時。諷其早日赴蘇。速定其事。亦可緩和楊故副師長家屬之冤憤。公誼私情。自問堪稱兩盡。不謂精誠難格。益肆譁張。致本日竟爲楊關巧芳及其夫姪楊嘉禎偵知。來部泣懇遵令主持。勸慰莫解。始予派員督

隊協警將該李根漂拘傳到部。伏查此案前經明令查辦。楊關巧芳等又爲被害之楊副師長青圃家屬。既經當場指捕。自未便過予徇縱。坐令楊故副師長沉冤久閤。致寒部曲之心。惟案關擅殺職官。疊經上訴。究應如何處置。石生未敢擅專。李根漂一名。自應呈解鈞部。依法訊懲。期無枉縱。又前第四十六師副官長黃子榮。平日逢迎長惡。無所不爲。此次因案撤差。竟敢挾帶槍枝。潛逃來省。四出招搖。正在密令嚴緝間。本日適於李根漂寓所擒獲。自應一併呈解訊辦。以肅軍紀。所有拘捕擅殺楊青圃之已革師長李根漂。暨挾械潛逃軍官黃子榮。解案訊究。緣由理合備文連同各該犯官。呈請鈞部核收歸案訊辦。并懇俯賜給予批示。實爲公便。

■ 航空處長黃秉衡呈總指揮部文

▲ 呈報啟用航空處關防

呈爲呈報事。竊職奉令接收上海航空司令部。業將接收改編情形呈報在案。所有從前航空司令部關防。已不適用。茲另刊就木質關防一顆。文曰國民革命軍總司令部航空處駐滬辦事處之關防。業於本月二十一日啟用。除呈報並通令外。理合將啟用日期。備文呈請察核施

行謹呈

□ 國民革命軍第七團二營營長尙斌呈浙江省政府文

▲ 請通緝捲款潛逃軍需

呈爲呈請事。竊營長曾充保安隊第三統部第九總隊長。去年十月間。國民革命軍第十八軍成立。改任營長。以前充雇員之江蘇無錫張涇橋人龐翼蒼爲軍需。卽於是月十五日。交付十元鈔洋三千五百元。並給小英皮箱存放。次日早晨。營長率隊前進。囑龐翼蒼在嘉興車站管理。及前方失利退回。該龐翼蒼膽敢捲款潛逃。全營官兵伙食支用並一切開銷。迫不及待。均由營長私人借墊。至今無從歸還。該龐翼蒼身充軍需。乘人危急。捲款潛逃。監守自盜。罪有應得。懇請通令協緝務獲究辦。以肅軍紀。至爲公便。謹呈

□ 國民革命軍船舶運輸司令溫建剛呈軍事委員會文

▲ 爲請發給經費

呈爲呈請事。竊建剛前奉總座任命爲船舶運輸司令。就職之始。曾以蟻駝知重。堅請辭退。旋

奉總座令開。着於八月十五日結束。移交兵站總監俞飛鵬接收等因。遵於十五日結束移交。惟時適當多事之際。總監部不肯接收。當經面陳何李白三總指揮。奉諭仍須繼續辦理。軍事倥傯。船舶運輸。責無旁貸。建剛祇得勉爲其難。刻下船租一項。暫且不論。卽每日煤斤之銷耗。凡三百餘噸。各輪工食之發給。約需三千餘元。職部自成立迄今。歷時將屆一月半。總共領過總司令部軍需處發給六萬八千元。不敷之數甚鉅。以致欠負累累。困難萬狀。現在部內伙食告罄。各輪請領伙食者日凡數十起。無法應付。躊躇再四。惟有呈請鈞會。迅示辦法。如認爲職部有繼續存在之必要。請卽派員接替。並請提前發給十萬元。以便結束移交。否則亦請速發款項。以便結束解散。若復再事遷延。則不獨職部人員昕夕從公。有斷炊之虞。各輪工人亦將爲餓殍。正不止公商交困已也。臨穎不勝迫切待命之至。伏乞迅予指示。以便遵行。謹呈南京軍事委員會各總指揮。

駐淞水警隊長呈江蘇第四區水警區長文

▲呈報與海盜在大戢山洋面激鬥並拿獲多名

呈爲呈報在洋面捕獲盜匪船隻。仰祈鑒核事。竊職船於本月二十四日夜間兩點鐘自淞起旋。二十五晚八點鐘駛至大戢洋面。適遇盜船兩隻。先向我船開槍。職立時率全船巡士荷槍實彈。該盜船連向我船開放排槍。職卽令開礮。隨跟快槍。彼方見勢不支。一面推舵遠逃。一面開槍應敵。是時風小逆潮。行駛不動。追趕不得接近。旣遇盜匪。豈容漏網。是以追趕。繼續開槍放礮。射擊其船。惟有一隻相距稍遠。始則應敵。繼則聽放礮聲。膽驚速去。此時因遇盜船兩隻。有顧此失彼。只得丟遠。追趕稍近一隻。自晚八點鐘起。直連追趕對敵。打至夜兩點鐘止。職船被盜射壞。小傷數處。已在修理。槍因射時過久。有四枝小損壞。惟幸全船官兵。毫無損傷。計射去礮彈四十顆。快五響子彈一千一百五十六顆。該盜船大桅篷索。均被槍礮彈打斷。舢板亦打通沉沒於水。受傷過重。行駛不靈。職船又加搖櫓趕上接近。遂將巡士支配。一面在船持槍預備。一面職率帶數名。持槍上盜船。盜匪業已打死一名。睡在船面。計拿獲六名。受重傷三名。據該盜自稱。有四強盜均攜槍投水淹斃。並搜獲獨響毛瑟槍三枝。獨響毛瑟子彈二十一粒。五響子彈十八粒。卽時扣將盜匪船隻槍彈。一併解淞呈報。因該船船底被礮彈打通。艙已進

水大桅亦打斷。不能駛篷。恐過大洋沉沒危險。故不敢行駛。且回淞路遠。到泗路近。更兼風向不順。只得順風於二十六日晨六時將抵泗礁。忽起大西北風。該盜船艙內進水過多。立刻風浪交加。一時設救不及。在泗沉沒。已死一名。被風浪打漂。不知去向。又聞尚有盜船三四隻。仍在泗礁山大戢洋面一帶週旋。意欲搶劫等情。除該盜船沉沒外。理合將捕獲盜匪槍彈。隨文呈解鈞區依法訊辦。實爲公便。謹呈

□ 淞滬衛戍司令部呈軍事委員會文

▲ 呈請軍事犯得向臨時法院提取

爲呈請併案核示祇遵事。竊職部於十月二十二日。奉鈞會總字第七十三號令開。案據上海臨時法院兼上訴院院長盧興原呈稱。爲擬陳駐軍索提租界人犯限制辦法。懇請鑒核明令飭遵事。竊查職院本係特種之司法機關。以租界爲管轄區域。凡租界內民刑案件。均須由職院法庭審理。當時收回公廨改訂章程。在第一條即經明白規定。良以法權所屬。中外觀瞻。必先保持其獨立之精神。方足以樹異日撤銷領事裁判權之基礎。乃自軍興以來。以內地戒嚴

之故。駐滬軍事當局。時有向職院索提人犯解歸內地訊辦之舉。所索提之人犯。又往往涉及職院有權審理之範圍。與暫行章程第一條規定相抵觸。以致領團方面時起責言。外國報章騰爲口實。而軍事當局不盡瞭然此中真相。以法院不肯通融。或且因之有所誤會。應付之際。極感困難。伏念職院設在租界。情形與內地法院不同。警權尙操外人之手。而多數案件。有領事會審觀審關係。不能不受協定之拘束。案內人犯。應否引渡。承辦推事。又各有獨立處分之權。非長官所得指揮。是以索提結果。恒致彼此兩持。不蒙見諒。長茲以往。殊於司法進行前途。深有妨礙。院長爲保持司法獨立。免除軍事當局之誤會計。再四思維。惟有陳明此中困難情形。仰賴鈞會爲之主持。通令駐滬軍事當局。嗣後索提人犯。以內地逃犯職院依法有協助之責者爲限。其在租界內發生之一切民刑事事件。根據暫行章程第一條。應由職院法庭審理者。不得逕自索提。以符協定而重法權。庶於相當協助之中。仍寓恪守範圍之意。所有擬陳駐軍向租界索提人犯限制辦法緣由。是否有當。理合具文呈請鈞會鑒核照准施行。實爲公便等情。據此。除批示照准外。合行令仰該司令即便知照。此令。同月二十七日復奉鈞會法字第四

十七號批示內開。代電呈一件。呈爲閱雙十節新聞報載有上海臨時法院呈文一件。對於駐滬軍事當局提取人犯。滋致不滿。並請通令嗣後不得逕提等語。影響職部。用將提犯詳情請鑒核由。元代電悉。查此案未據該上海臨時法院呈請到會。本會無案可稽。仰卽知照。此批各等因奉此。竊查職部前閱雙十節新聞報載上海臨時法院呈請鈞會。限制駐軍索提租界人犯各節。當經敘述該法院長錯誤之處。並陳述提取案犯經過情形。電呈鑒核在案。茲奉前開各因。始悉鈞會未及檢齊該院長原呈併案審核。用再不揣冒昧。謹爲鈞會詳悉陳之。伏查鈞會總字第七十三號令內所據之案。卽係職部所指稱新聞報載之原件。職部元代電所呈稱。卽係根據該院長原呈模糊疑似之詞。細加解釋。乞鈞會勿爲其所朦欺。職部成立以來。凡向該院提取案犯。罔不遵照法律職權。職部暫行衛戍條例第一條。明定職部設立之主旨。係爲維持治安制壓反動。第五條第八款。明定職部職權之一。凡衛戍地區內之地方行政司法案件。與軍事有關者。地方行政官及司法官。須受衛戍司令之指揮。依軍法裁判之。果係妨害治安肆行反動之罪犯。卽不得謂爲與軍事無關。職部向該院所提取各犯。悉爲此等案件。該

院雖在租界。該院長亦中國司法官吏。自應受衛戍司令之指揮。此就國內法言。職部固絕無不合。再就收回上海會審公廨暫行章程觀之。該章程第一條。除甲項規定業經前呈解釋外。其乙項規定。有凡現在適用於中國法庭之一切法律（訴訟法在內）及條例。及以後制定公布之法律條例。均適用於臨時法庭。惟當顧及本章程之規定。及經將來協議所承認之會審公廨訴訟慣例等語。職部衛戍條例。即訂立該章程後。政府制定公布條例之一。各國駐滬領事。亦均承認。該法院自應適用。申言之。該法院即應受該條例之拘束。職部向該法院提取案犯。既絕對不違背收回會審公廨章程。自屬正常職權之行使。此就國際間協定言。職部亦毫無違誤者也。該法院為國家之司法機關。該院長苟不自絕於國家。即應遵奉國家法律。重視職部之職權。上海租界亦屬國家領土。徒以不平等條約尚未廢除。致國家一切措施。俱多窒礙。吾國人士。每引為疾首痛心。不謂該院長為國家職官。竟利用之。藉以把持法權。維護職位。真屬出人意表。今鈞會將該院長呈請限制不得逕提人犯辦法。未經併案審查。遽予核准。該院長遂以此通知各國領事。表示同意。對於職部依法提取之案犯。悉予拒絕不交。職誠忌

竊以爲承奉外人滋長共黨盜匪之風。搗亂後方。影響革命前途之處。其爲患殊非淺鮮。再四思維。惟有將職部向上海臨時法院依法提取案犯情由。具文續呈。伏乞鈞會鑒核。俯准併案審查。再行分別批令。祇遵。實爲公使。再該法院直隸江蘇省政府。前上呈鈞會。並未呈由江蘇省政府核轉。程序亦似未協。合併陳明。謹呈軍事委員會。司令白崇禧。十一月二日。

國民革命第六軍軍事執行委員會呈財政部文

▲呈請薪餉改發大洋

呈爲呈請事。竊軍隊薪改發大洋案。曾經南昌總司令部軍事善後會議議決。呈請施行在案。本年二月。本軍全軍黨員第一次代表大會。亦經議決。呈請中央迅速實行薪餉改發大洋案。誠以小洋一三五折。合大洋之值。在鄂贛寧等處。百物昂貴。猶不及在粵使用小洋之值。以致士兵同志。每月六元伙食。僅購米猶屬不敷。甚至因敷衍伙食。以致毫無零用。在革命者固不以生活之苦爲苦。然常因物質之缺乏。影響精神。卽間接礙及工作。證之事實。屢有所見。自不能不亟圖改良之方。以資補救。况最感痛苦者。全在大多數之士兵同志。縱其不因此而失

望於革命。亦應於人生要求的普通生活。予以相當滿足。方得謂平。現在政府收入。盡屬大洋。爲減免軍中折算煩難計。是小洋制尤不適用。若謂節省經費之道。則更不必在此也。本軍全體武裝同志。爲革命奮鬥。已有數載。當能仰體政府之艱難。顧慮全般之大計。當此革命尚未成功。箇人享樂。絕不敢言。祇以薪餉改發大洋一節。實爲目前養命之圖。現今各級黨部執委。聯席會議。議決代表全軍黨員電懇鈞會。迅速實行軍隊餉薪改發大洋案。俾濟生活。並賜電示。是所切禱。謹呈。

● 公 函

■ 海軍閩厦警備司令部致市黨部函

▲ 通知駐厦海軍已樹黨旗

逕啟者。奉楊總司令鹽電開。奉國民政府狀開。特任楊樹莊爲國民革命軍海軍總司令。此狀等因。樹莊遵於三月十四日就職。除電呈並通電宣佈外。合亟通告全軍知照。至各艦及防地旂幟。自應更換。希查照轉知所屬地方各機關。一體知照爲盼。等因。奉此。敝部定本月廿四日